

www.BibleForChildren.org

Mahte 8




Hau htâng, í nyí nghũ rã nyí má, Galile mau mã é
Hkanaq wà mó má, myiháng pôi ralhũm joq ri. Haũ mã
Yesuq é yhângnu le, bo lom ri. Yesuq eq Yhâng é
chángzô pé lé le, myiháng pôi haũ mã ji akô nghũt ri.




Tsibiyiq wing jaú tûm to kô é hkûn, Yesuq é yhângnu gi,
"Yhangmoq, tsibiyiq wing a wó lo kó nghut ri." ga,
Yesuq lé taî ri. Nghut kôhang, Yhâng nu gi, haû
duinhâng zoshâng wui lé, "Yhang haî taî le, haî kut
keq." ga taî ri.



Yesuq gi, haû dui-nhâng zoshâng wuì lé,
"Wúng haú pé má wuì lhoq pyíng keq." ga
taî ri; haû mù, yhangmoq gi, wúng haú pé
má byíng shoq shoq lhoq pyíng bekô nghut
ri.



Hau htâng, Yhang gi, yhangmoq lé, "Ahkuî,
ratsuí hkû yù mù, poî-up lé yu ló byi keq."
ga taí jáng, yhangmoq gi, yu ló byî akô
nghut ri.



Poî-up hpó gi, wuì mai dut é tsibiyiq wing haû lé, shuq
chyam wú ri; wuì hkam é dui-nhâng zoshâng wuì gi,
tsibiyiq wing haû hkâmai lo é
hkyô lé sê to kôlhang,
yhang gi, a sé nghut ri.



Haû mù, yhang gi, lusik lé, ji yù luî, "Yuq hkangmó gi,
tsibiyiq wing mún lé hí jaú mù, bíng pé shuq gyî bùm
jáng sheq, tsibiyiq wing
apyâng lé ru yu htoq lhê;
nghut kôlhang, nàng gi,
nghâm é tsibiyiq wing lé,
ahkuî jé shoq wó hkong
tô ri-nhung!" ga taî ri.



Galile mau mâ é Hkanaq wà mó má, Yesuq
tûn shit é limik kumlhá gi, Yhang
kut é limik kumlhá pé mâ
é sâng-hî dàm nghut ri.





Yhang gi, Yhâng é hpungwup shingkang lé,
haú dông lhoq htoq shit é nghut mù
lûi, Yhâng é chángzô pé gi,
Yhang lé lumjǐng bum
akô nghut ri.



Yesuq gi, Petruq é yhûm má jé wang e
é hkûn, Petruq é yhâng-aumó gyai
yhang no leq tô é lé, ê myang ri.




Yesuq gi, yhang é loq má ê záng kat é hkûn, Petruq
yhang-aumó gi, nòhpyo ge byuq mù, toq luî, Yhang lé
wó gáí tso gáí huq bê nghut ri.



Haû nyí buiwang é htâng má, byu pé gi, no é
bang eq nat gang wang júng nyi é bang
banshoq lé, Yesuq
chyáng shuí lé lo bum
akô nghut ri. Rawa
bang, hkúmdong nàm
má lé zup zing tô akô.



Haû mù, Yesuq gi, awáng nòhpyo ajung jung huî é bang
myo myo lé lhoq gê byî ri; nat gang myo myo lé le,
hkat htoq pyâm ri; nghut kôhang, Yhang ó nghut é lé
nat gang haú bang sé kô é yanmai, nat gang haú bang
lé dang a tái nhâng nghut ri.




Yhâng é gùng mai htoq é wum-ô èq byù banshoq lé
lhoq gê byî nyi é yanmai shiwa byu pé le Yhang lé wó
záng shoq ga, ho nyi akô.



Haú hkûn, byù myi yuq gi, gùngjum shî sù rayuq lé
chôm dang waq luî, Yhâng chyáng lé lo akô.




Yhangmoq gi, byù lûm myô
chyîn chyap to mù, byù haú yuq lé
Yesuq chyáng a wó shuí jé ê kô é yanmai,
Yesuq é u htoq mâ é yhumhkûng lé dong
htông yù lûi, gùngjum shî sù lé taphkang
eq roq hkyô kat
akô nghut ri.



Yesuq gi, yhangmoq é lumjínq myit lé byu-myàng jáng,
gùngjum shî sù lé, "Ngá zo ê,
náng é yubak mara lé
hkyut pyám byi bê."
ga tâi ri. Hau htâng,
Yhang gi, haû
gùngjum shî sù lé,
"Ngò, nang lé tái bá,
toq aq, náng é
taphkang lé yu
chûng lui, yhûm taû
ló aq hkoi." ga tâi ri.




Hau htâng, Yesuq lhai hkaû má wàng mù, Yhâng é
chángzô pé le, Yhâng htâng châng
wàng bekô nghut ri. Haú hkûn,
nhông má byodan-htik laidun
mó lò mù, wuìhêng pé gi,
lhai má bat ûm lò bê
nghut ri. Nghut kôhang,
Yesuq gi, yhup myhî
tô ri.



Yhang gi, "Lumjǐng myit shaû é bang ê! Haî mù, haû-í
gyuq bum akô lhú?" ga taî kat ri. Hau htâng, Yhang gi,
toq luî, laidun eq wuîhêng pé lé tân kat jáng, banshoq
zîm byuq bê nghut ri. Byù haú bang gi,
maúhong byuq kômù, "Shí yuq gi,
hkasû é byù lhà? Lai eq
wuîhêng pé lháng gi,
Yhâng é dang lé gyo
byî ri myhi-nhung!" ga
luî, rayuq eq rayuq myî



lhûm bum akô nghut ri.



Hkâsu mù gâ le,
Garai Gasang gi,
mingkan lé gyai yhang chyitdap é
yanmai, Yhang Zo lé lumjínng é sù ó yuq
nghut kôle, htên byoq é a huî e za,
ahtum abyuq é asak wó yû sháng
gaq ga, rayuq za é Yhâng é
Zote lé byî pyám bê
nghut ri.



Romaq 3:23 Hkâsu mù gâ le, lhunghâng bang gi, yubak mara kut shut bê bang chyat nghut mù, Garai Gasâng é hpungwup shingkang lé a hkyit hkap byuq lo kó nghut ri.

Romaq 6:23 Hkâsu mù gâ le, yubak marâ é ahpau gi, shi é hkyô nghut ri; nghut kôhang, Garai Gasâng é chyunghuq gi, nga-nhông é Yhumsîng Hkrisduq Yesuq é yanmai, ahtum abyuq é asak nghut ri.

Hebre 9:27 Byù gi, radá za shî râ nghut mù, hau htâng má tarâ jéyáng é hui râ nghut é eq rajung za,

Ehpesu 2:8,9 Hkâsu mù gâ le, nungmoq gi, lumjîng é dông mai Garaî jejû èq za hkyi yu é hui bekô nghut ri. Haû gi, nungmoq chyáng mâ é a nghut, Garai Gasâng jeju chyunghuq za ru nghut lhê. Haû gi, yhumsing é muzó mai wó é a nghut é yanmai, ó yuq le nghutbun râ hkyô a joq.



Romaq 10:9,10 Haû mù, "Yesuq gi, Yhumsîng nghut ri."
nghû náng é nhut èq yín yû mù, Garai Gasang gi, Yhang lé,
shi é mai dui toq nhâng bê nghut lhê nghû, náng é myit
nhiklhum má lumjîng é nghut jáng, nàng gi, hkyi yu é hui
râ nghut lhê. Hkâsu mù gâ le, byù gi, myit nhiklhum má
lumjîng jáng, mara hkyut san byî é hui mù, nhut mai yín
yû jáng, hkyi yù huî é nghut lhê.

Yohan 3:16,17 Hkâsu mù gâ le, Garai Gasang gi, mingkan
lé gyai yhang chyitdap é yanmai, Yhang Zo lé lumjîng é sù
ó yuq nghut kôle, htên byoq é a huî e za, ahtum abyuq é
asak wó yû sháng gaq ga, rayuq za é Yhâng é Zote lé byî
pyám bê nghut ri. Hkâsu mù gâ le, Garai Gasang gi,
mingkan lé mara byi râ matú, Yhang Zo lé mingkan htoq
má nhang kat é a nghut é za, Yhang é yanmai mingkan
hkyi yu é hui râ matú sheq nhang kat é ru nghut lhê.



1 Yohan 5:11-13 Nga-nhúng lé, Garai Gasang byî é ahtum abyuq é asak gi, saksé haû nghut nyi ri. Asak haû gi, Yhang Zô chyáng bo ri. Garai Gasâng é Yhangzo lé wó sô gi, asak haû lé wó bê; Yhang Zo lé a wó sô gi, asak haû lé le a wó nghut ri. Garai Gasang é Yhangzô é mying lé lumjîng é bang nungmoq gi, ahtum abyuq é asak wó bê hkyô lé, nungmoq sé kó sháng gaq nghû, shí hkyô pé lé ngò ká byî kat é nghut lhê.



Mahte 8-9; Markuq 1-2, 4; Lukaq 4, 8; Yohan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Zaiwa NT (atb) © 2009, Wycliffe Bible Translators,
Inc. All rights reserved.

<https://www.bible.com/bible/976/MAT.1.ATB>

©2025 Bible for Children, Inc.

www.M1914.org

www.bibleforchildren.org

